



Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Abelly, Louis

Coloniæ Agrippinæ, 1658

III. Quomodo Deus cognoscat futura contingentia.

urn:nbn:de:hbz:466:1-38954

signum eius, annuntians, quæ preterierunt, & quæ superuentur sunt: vnde S. Aug. lib. 5. de ciuit. cap. 9. optimè dixit confessari esse Deum, & negare præsum futurorum, apertissima infania est.

Certum est denique cognitionem Dei extendere se ad illas etiam res, quæ nunquam existent, & quæ sunt pun possibles; cum enim se perfectè comprehendat (vt dicendum est) nec possit causa aliqua perfectè comprehendendi quin cognoscantur effectus omnes ab illa producibilis; hinc sequitur Deum cognoscere omnia, quæ ab omnipotencia sua tanquam à causa effectrice dimanare possunt, vnde dicitur Rom. 4. quod vocat ea, quæ non sunt, tanquam ea, quæ sunt.

Qum igitur hæc certa sint & indubitatè fide tenenda, duo sunt, quæ aliquam difficultatem recipiunt; primum est, quomodo Deus cognoscat futura contingentia; secundum, an etiam cognoscat futura conditionata. Et de his in sequentibus sectionibus agetur.

SECTIO III.

Quomodo Deus cognoscat futura contingentia.

Questio præsertim intelligenda est de actionibus liberis creaturarum rationabilium, quæ ideo dicuntur futurae contingentes, quod non pendeant à causis necessarijs, sed liberis & indeterminatis, & pro illarum libito possint esse vel non esse.

Huius autem questionis difficultas in duobus consistit. Primum est, quomodo infallibilitas & certitudo diuinæ cognitionis, cum illarum rerum contingentia, subsistere valeat: secundum, quomodo libertas & indifferenta creaturarum rationabilium, à quibus pendent eiusmodi effectus contingentes, cum infallibilitate & certitudine diuinæ præscientiæ possit concordari. Pro quorum resolutione

Dicere

Dicendum 1. Deum cognoscere omnia futura contin-
gentia libera. Hæc veritas de fide est, & plurimis scriptu-
rae testimonij probari potest, ut ex ijs, in quibus Christus
Dominus dicitur præsciuisse & prædictisse multa, quæ fu-
tura erant, & quæ tanien à causis liberis & indeterminatis
pendebant, qualis est trina Petri negatio, Indæ proditio,
&c. item ex ijs, in quibus res eiusmodi futura contingentia
à Prophetis diuinitus inspiratis prædictæ referuntur;
ut enim rectè dixit Tertul. lib. 2. cont. Marcion. c. 5. *Divi-
na præscientia tot habet testes, quorū fecit Prophetas.*

Dicendum 2. cognitionem illam, quam Deus habet de
futuri contingentibus liberis, esse certissimam & omni-
no infallibilem.

Hoc probari potest 1. ex illis omnibus scripturæ locis,
in quibus veritas tanquam perfectio quadam essentialis
Deo tribuitur, imò & ipse Deus veritas appellatur; hæc e-
nīm diuina perfectio talis est, ut prorsus impossibile sit,
Deum vel falli posse in cognoscendo, vel falere in dicen-
do: vnde sequitur omnem cognitionem, quam habet de
quocunque obiecto cognoscibili, esse verissimam, certis-
simam, & omnimodo infallibilem.

Probari 2. potest ex eo, quod (ut superius dictum est)
SS. Patres communiter docent Deo futura omnia esse ab
æterno præsentia, ac proinde illum aquæ certò ea cognoscere,
licet futura & contingentia, atque cognoscit ea,
qua actu existunt: vnde S. Greg. lib. 20. mor. cap. 23. *An-
te Dei oculos, inquit, præterita nulla sunt, presentia non tran-
scendunt, futura non veniunt; quippe quia orane, quod nobis fuit &
erit, in Dei prospœcta præsto est: & S. Aug. lib. 15. de Trinit.
cap. 7. Quis hominum, inquit, potest istam capere sapientiam,
qua Deus novit omnia, ita ut nec ea, que dicuntur futura, qua-
si desint, expectentur, ut veniant; sed & præterita & futura cum
præsentibus sint cuncta presentia.*

Dicendum 3. præscientiam illam futurorum contingen-
tium liberorum nullo modo libertati humanæ repu-
gnare.

*Huic veritati, quæ de fide est, oppositus est error Wi-
clifi,*

D

cleſi, qui dicebar omnia, quæ à Deo præſcita fuſt, ex aſſoluta neceſſitate euenire. Refellitur hic error (qui cum plurimis alijs in Conc. Constantiensi fefl. s. damnatus est) & veritas aſſertionis noſtre probatur 1. ex eo, quod in ſcripturis ex una parte habetur, Deum præſcire certiſſimum omnia, quæ libere ab hominibus fiunt, antequam fiant ut ex ante dictis conſtat; ex altera vero etiam habetur ea, quæ ab hominibus fiunt, ab eorum libera electione pendere; eſſe in eorum libera potestate, & ab illis ita libere fieri, ut poſſint, ſi velint, ea non facere: quod ex plurimis ſcripturæ locis probari potheſt, ut Genel. 4. ubi Deſi alloquitur & admonet Cain, cum fratriſ ſui cæder meditaretur: Nonne, ſi bene egerū, recipies: ſi autem maleſatim in forib⁹ peccatum aderit? ſed ſub re erit appetitus tuus & tu dominaberis illius: Et Eccli 15. dicitur, quod Deus regnat hominem in manu confiſt⁹ ſui, &c. Ante hominem vita, mors, bonum & malum: quod placuerit ei, dabitur illi: 1. Co 7. Nam qui ſtatuit in corde ſuo firmitas, non habens neceſſitatem potestatem autem habens ſic voluntatis, &c.

Probatur 2. e. S. Hieron. in cap. 26. Ieremiæ, ubi expaſcans hæc verba Prophetæ, Noli ſubtrahere verbum, ſi audiant, ſic loquitur. Noſtro Dominus loquitur aſſetatu, ut librum homini ſruetur arbitriu, nec ex præſcientia eius, qui ex neceſſitate, vel facere quid, vel non facere cogatur: non enim ex eo, quod Deus ſeit futurum aliquid, ideo futurum eſt; ſed quod futurum eſt, Deus nouit, quaſi præſciens futurum: & S. Aug. lib. 5. de Ciuit. cap. 10. Quocirca nullo modo cogitur, aut tentat præſcientia Dei tollere voluntatis arbitriu, aut retentio voluntatis arbitrio Deum (quod nefas eſt) negare priuilegium futurum; ſed utrumque amplectimur, utrumque fideliiter & veritatem confitemur: & lib. 3. de libero arbit. cap. 4. Sic ut (nihil) tu memoria tua non cogis facta eſſe, que præterierunt; ſed Deus præſcientia ſua non cogit facienda, que futura ſunt.

Probatur 3. ratione, quā vtitur S. Aug. cap. 3. lib. citat quæ ſic proponi potheſt: futura contingentia illa eodem modo reipsa futura fiunt, quo a Deo per præſcientiam futura cognoscuntur: atqui cognoscuntur futuria libere neque

neque enim præscientia Dei destituit voluntatis nostræ naturam, qua (ut ait sanctus ille Doctor) voluntas non est, nisi sit in nostra potestate: ergo liberè futura sunt. Non igitur, inquit ille, per Dei præscientiam mili potestas admittitur, que propterea mihi certior aderit; quia ille, cuius præscientia non fallitur, ad futuram mihi esse præsciuit.

Confirmatur ex eo, quod (ut ait S. Chrysost. hom. 60. in Matth. explicans illud: Necesse est, ut veniant scandalum) non ideo futura euenient, quia Deus euentura præsciuit; sed quia euentua erant, ideo illa præsciuit.

Neque dicas, hinc sequi cognitionem Dei suam ab obiecto certitudinem accipere: hoc enim cognitionis diuina certitudo non ab obiecto, sed ab infinita vi & perfectione intellectus divini deriuatur; quamvis veritas obiecti ab illo cogniti sit conditio, sine qua ab illo non cognosceretur.

Objicies, quidquid Deus præsciuit faciendum, illud necessariò fiet, alias præscientia Dei certa non est; atqui præsciuit Deus v. gr. Antichristum peccatum, ergo necessariò peccabit Antichristus.

Ad huius obiectionis solutionem, duplex distingueda est necessitas; alia enim est antecedens, alia consequens: antecedens est illa, que oritur ex causa antecedente & necessariò operante; posita enim tali causâ necessariò sequitur effectus: consequens vero necessitas est illa, qua oritur ex sola positione effectus, eti à causa libera proueniat. Hoc posito, ad maiorem obiectionis propositionem respondeatur cum distinctione: cum enī in ea dicatur, illud, quod Deus præsciuit faciendum à causa libera, fieri necessario debere; si de necessitate antecedente sermo sit, negatur, si de consequente, conceditur: verum hæc necessitas (ut per se patet) nullo modo libertati præiudicat, cum ideo tantum aliquid faciendum necessariò dicitur, quia revera fiet, licet libere fieri. Sic ut de eo, quod iam factum est, potest dici quod necessario factum est; hoc est, quod fieri non potest quin factum sit, quamvis libere factum sit.